

Arthur Kinloch



01/01/1974-20/06/2025

10

Yesu alikufa

1 Yesu alikufa kwa wenye dhambi,
Acha dhambi zako umwone Mungu;
Patana na Yesu, utakuwa hai,
Kristo ndani ni taraja la utukufu.

**Umkiri na mwamini, Yesu, Mwokozi,
Roho asitoke kwako daima.**

2 Akuita wewe, mwenye mizigo,
Atakupokea akupumzishe;
Muda wa rehema, ziache dhambi,
Mungu atakusamehe akupe raha.
“Umkiri na mwamini, Yesu, Mwokozi,...”

3 Ukisamehewa kwa kifo chake,
Utaokolewa kwa uhai wake;
Akaavyo mwako usiogope,
Utashinda dunia, nafsi na Shetani.
“Umkiri na mwamini, Yesu, Mwokozi,...”

4 Tangaza injili iliyo kweli,
Umpatanishwa kwa kifo chake;
Ukimfuata katika nuru,
Damu ya Yesu itakutakasa kweli.
“Umkiri na mwamini, Yesu, Mwokozi,...”

100

Ee! Mungu unisikie

1 Ee! Mungu unisikie
Kilio, maombi,
Toka mwisho wa dunia
Ninakulilia.

2 Ninapozimia moyo,
Na kufadhaika,
Niongoze juu ya mwamba,
Ulio juu sana.

3 Ulikuwa kimbilio,
Ngome yenye nguvu,
Na hata kinga, adui
Na wasinipate.

4 Hemani kwako nitakaa
Nitakimbilia,
Sitara ya mbawa zako,
Kukaa hata daima.

5 Ee! Mungu nadhiri zangu
Umezisikia,
Umenipa urithi na
Wakuheshimuo.

121

Kila asubuhi...#187

1 Kila asubuhi,
Mwombe Baba Mungu,
Tafuta uso wake na
Shiriki upendo.

2 Fungua Biblia,
Soma fungu humo,
Litakase nia yako,
Na kukuhifadhi.

3 Shinda siku kutwa
Naye Baba Mungu,
Atakuwepo karibu,
Po pote ulipo.

4 Uongee naye,
Kwenye moyo wako,
Kiri wema wake wote,
Utoe shukrani.

5 Mwishoni mwa siku,
Kiri dhambi zako,
Amini damu ya Yesu,
Na usamehewe.

142

*Kukubaliwa nawe
Mungu...#299*

1 Kukubaliwa nawe Mungu tu,
Wazo hilo latutia moyo,
Tujitoe kwa furaha tuwe
Dhabihu iliyo hai kwako.

2 Yesu alikubaliwa naye,
Alivumilia, hakushindwa,
Akamaliza safari yake,
Akafufuka kwenda enzini.

3 Kukubaliwa na Mungu nami,
Nitakuwa na mfano wake,
Japo napata mateso kama
Watu wa kale nifuate tu.

4 Kukubaliwa ni baraka kuu,
Heshima ya watu yapita tu,
Bwana shika moyo wangu niwe
Kama Yesu, mwaminifu kweli.

150

Roho yangu isijazwe...#340

1 Roho yangu isijazwe huzuni,
Njia yangu ikiwa ya shida,
Kwa kuwa Bwana hulinda daima,
Mkono wake wanipa nguvu.

**Leo Bwana, ninakuamini,
Nikuamini daima.**

2 Unifunge katika madhabahu,
Nami kwa hiari najitoa,
Unijalie Bwana nisisite,
Bali nifanye vyema daima.

“Leo Bwana, ninakuamini,...”

3 Mataraja yangu yasidhoofu,
Bali yaimarishwe na Yesu,
Utanifufua pamoja nao
Watu wako utakaporudi.
“Leo Bwana, ninakuamini,...”

42

Kuoshwa kila waa...#24

1 Kuoshwa kila waa, kufidiwa dhambi,
Hiki ni kipawa chako ulichoahidi,
Nakiri makosa, udhaifu wangu,
Nafika jinsi nilivyo mbele zako Mungu.

2 Sikufichi kitu, dhambi na makosa,
Wala kiburi moyoni ninachochukia.
Jinsi nilivyo tu, mbele zako Bwana,
Mnyonge tu mwenye hamu ya uzima wako.

3 Nilipo nuruni, najiona moyo,
Nimekosa kupokea kipawa cha Mungu,
Ee! Bwana neema, hekima na nguvu
Zako zitanihifadhi, naamini hivyo.

4 Juu ya madhabahu naweka maisha,
Napenda uwe karibu, kuwa Mtawala.
Mungu uondoe mawazo yangu tu,
Ili niliamini tu jina lako kuu.